

日本書紀卷第七

大足彥忍代別天皇 景行天皇

稚足彥天皇 成務天皇

大足彥忍代別天皇 景行天皇

大足彥忍代別天皇、活目入彥五十狹茅天皇第三子也。母皇后曰日葉洲媛命。丹波道主王之女也。活目入彥五十狹茅天皇卅七年、立爲皇太子。【時年廿一。】十九年春二月、活目入彥五十狹茅天皇崩。

元年秋七月己巳朔己卯、太子卽天皇位。国以改元。

◎是年也、太歲辛未。

二年春三月丙寅朔戊辰、立播磨稻日大郎姬。【一云、稻日稚郎姬。郎姬、此云異羅菟咩。】爲皇后。后生三男。第一曰大碓皇子。第二曰小碓尊。【一書云、皇后生三男。其第三曰稚倭根子皇子。】其大碓皇子·小碓尊、一日同胞而雙生。天皇異之、則誥於碓。故因號其二王、曰大碓·小碓也。是小碓尊、亦名日本童男。【童男、此云烏具奈。】亦曰日本武尊。幼有雄略之氣。及壯容貌魁偉。身長一丈、力能扛鼎焉。

三年春二月庚寅朔、卜幸于紀伊國、將祀群神祇、而不吉。乃車駕止之。遣屋主忍男武雄心命。【一云、武猪心。】令祭。爰屋主忍男武雄心命、詣之居于阿備柏原、而祭祀神祇。仍住九年。則娶紀直遠祖菟道彥之女影媛、生武內宿禰。

四年春二月甲寅朔甲子、天皇幸美濃。左右奏言之、茲國有佳人。曰弟媛。容姿端正。八坂入彥皇子之女也。天皇欲得爲妃、幸弟媛之家。弟媛聞乘輿車駕、則隱竹林。於是、天皇權令弟媛至、而居于泳宮之。【泳宮、此云區玖利能彌挪。】鯉魚浮池、朝夕臨視而戲遊。時弟媛欲見其鯉魚遊、而密

來臨_レ池。天皇則留而通之。爰弟媛以爲、夫婦之道、古今達則也。然於_レ吾而不便。則請_二天皇_一曰、妾性不_レ欲_二交接之道_一。今不_レ勝_二皇命之威_一、暫納_二帷幕之中_一。然意所_レ不_レ快。亦形容穢陋。久之不堪_レ陪_二於掖庭_一。唯有_二妾姊_一。名曰_二八坂入媛_一。容姿麗美。志亦貞潔。宜納_二後宮_一。天皇聽之。仍喚_二八坂入媛_一爲_レ妃。生_二七男六女_一。第一曰_二稚足彥天皇_一。第二曰_二五百城入彥皇子_一。第三曰_二忍之別皇子_一。第四曰_二稚倭根子皇子_一。第五曰_二大酢別皇子_一。第六曰_二淳熨斗皇女_一。第七曰_二淳名城皇女_一。第八曰_二五百城入姬皇女_一。第九曰_二麿依姬皇女_一。第十曰_二五十狹城入彥皇子_一。第十一曰_二吉備兄彥皇子_一。第十二曰_二高城入姬皇女_一。第十三曰_二弟姬皇女_一。又妃_二三尾氏磐城別之妹水齒郎媛_一。生_二五百野皇女_一。次妃_二五十河媛_一。生_二神櫛皇子_一。稻背入彥皇子_一。其兄_二神櫛皇子_一、是讚岐國造之始祖也。弟_二稻背入彥皇子_一、是播磨別之始祖也。次妃_二阿倍氏木事之女高田媛_一。生_二武國凝別皇子_一。是伊豫國御村別之始祖也。次好日向髮長大田根、生_二日向襲津彥皇子_一。是阿牟君之始祖也。次妃_二襲武媛_一。生_二國乳別皇子與_一國背別皇子【一云、官道別皇子】。豐戶別皇子_一。其足國乳別皇子、是水沼別之始祖也。弟_二豐戶別皇子_一、是火國別之始祖也。夫天皇之男女、前後并八十子。然除_二日本武尊_一。稚足彥天皇。五百城入彥皇子_一之外、七十餘子、皆封_二國郡_一、各如_二其國_一。故當_二今時_一、謂_二諸國之別_一者、卽其別王之苗裔焉。

◎是月、天皇聞_二美濃國造、名神骨之女、兄名兄遠子、弟名弟遠子、並有國色_一、則遣_二大碓命_一、使_レ察_二其婦女之容姿_一。時大碓命、便密通而不_レ復命_一。由_レ是、恨_二大碓命_一。

○冬十一月庚辰朔、乘輿自_二美濃_一還。則更都_二於纏向_一。是謂_二日代官_一。
十二年秋七月、熊襲反之不_二朝貢_一。

○八月乙未朔己酉、幸_二筑紫_一。

○九月甲子朔戊辰、到_二周芳娑廐_一。時天皇南望之、詔_二群卿_一曰、於南方烟氣多起。必賊將在。則留之、先遣_二多臣祖武諸木_一。國前臣祖菟名手。物部君祖夏花_一、令_レ察_二其狀_一。爰有_二女人_一。曰_二神夏磯媛_一。其徒衆甚多。一國之魁帥也。聆_二天皇之

使者至、則拔磯津山之賢木、以上枝挂八握劍、中枝挂八咫鏡、下枝挂八尺瓊、亦素幡樹于船舳、參向而啓之曰、願無下兵。我之屬類、心不違者。今將歸德矣。唯有殘賊者。一曰鼻垂。妄假名號、山谷響聚、屯結於菟狹川上。二曰耳垂。殘賊貪婪、屢略人民。是居於御木【木、此云開。】川上。三曰麻剝。潛聚徒黨、居於高羽川上。四曰土折猪折。隱住於緣野川上、獨恃山川之險、以多掠人民。是四人也、其所據並要害之地。故各領眷屬、爲一處之長也。皆曰、不從皇命。願急擊之。勿失。於是、武諸本等、先誘麻剝之徒。仍賜赤衣・禪及種々奇物、兼令搗不服之三人。乃率已衆而參來。悉捕誅之。天皇遂幸筑紫、到豐前國長峽縣、興行宮而居。故號其處曰京也。

○冬十月、到碩田國。其地形廣大亦麗。因名碩田也。【碩田、此云於保岐陀。】到速見邑。有女人。曰速津媛。爲一處之長。其間天皇車駕、而自奉迎之謠言、茲山有大石窟。曰鼠石窟。有二土蜘蛛。住其石窟。一曰青。二曰白。又於直入縣禰疑野、有三土蜘蛛。一曰打媛。二曰八田。三曰國摩侶。是五人、並其爲人強力、亦衆類多之。皆曰、不從皇命。若強喚者、興兵距焉。天皇惡之、不得進行。卽留于來田見邑、權興宮室而居之。仍與群臣議之曰、今多動兵衆、以討土蜘蛛。若其畏我兵勢、將隱山野、必爲後愁。則採海石榴樹、作椎爲兵。因簡猛卒、授兵椎、以穿山排草、襲石室之土蜘蛛、而破于稻葉川上、悉殺其黨。血流至踝。故時人其作海石榴椎之處、曰海石榴市。亦血流之處曰血田也。復將討打媛、侄度禰疑山。時賊虜之矢、橫自山射之。流於官軍前如雨。天皇更返城原、而卜於水上。便勒兵、先擊八田於禰疑野而破。媛打媛謂不可勝、而請服。然不聽矣。皆自投澗谷而死之。天皇初將討賊、次于柏峽大野。其野有石。長六尺、廣三尺、厚一尺五寸。天皇祈之曰、朕得滅土蜘蛛者、將蹶茲石、如拍葉而舉焉。因蹶之。則如柏上於大虛。故號其石、曰踏石也。是時、禱神、則志我神・直入物部神・直入中臣神三神矣。

○十一月、到_二日向國_一、起_二行宮_一以居之。是謂_二高屋宮_一。

○十二月癸巳朔丁酉、議_レ討_二熊襲_一。於是、天皇詔_二群卿_一曰、朕聞之、襲國有_二厚鹿文_一・_二迺鹿文者_一。是兩人熊襲之渠帥者也。衆類甚多。是謂_二熊襲八十梟帥_一。其鋒不_レ可_レ當焉。少_レ興_二師_一、則不堪_レ滅_レ賊。多動_レ兵、是百姓之害。何不_レ假_二鋒刃之威_一、坐平_二其國_一。時有_二一臣_一。進曰、熊襲梟帥有_二二女_一。兄曰_二市乾鹿文_一。【乾、此云_レ賦。】弟曰_二市鹿文_一。容既端正。心且雄武。宜_下示_二重幣_一以擣_中納麾下_上。因以伺_二其消息_一、犯_二不意之處_一、則曾不_レ血_レ刃、賊必自敗。天皇詔、可也。於是、示_レ幣欺_二其二女_一、而納_二幕下_一。天皇則通_二市乾鹿文_一而陽寵。時市乾鹿文、奏_二于天皇_一曰、無_レ愁熊襲之不_レ服。妾有_二良謀_一。卽令_レ從_二一二兵_一於己_一。而返_レ家以多設_二醇酒_一、令_レ飲_二己父_一。乃醉而寐之。市乾鹿文、密斷_二父弦_一。爰從兵一人、進殺_二熊襲梟帥_一。天皇則惡_二其不孝之甚_一、而誅_二市乾鹿文_一。仍以_二弟市鹿文_一、賜_二於火國造_一。

十三年夏五月、悉平_二襲國_一。因以居_二於高尾宮_一、已六年也。於是、其國有_二佳人_一。曰_二御刀媛_一。【御刀、此云_二彌波迦志_一。】則召爲_レ妃。生_二豐國別皇子_一。是日向國造之始祖也。

十七年春三月戊戌朔己酉、幸_二子湯縣_一、遊_二于丹裳小野_一。時東望之、謂_二左右_一曰、是國也直向_二於日出方_一。故號_二其國_一曰_二日向_一也。是日、陟_二野中大石_一、憶_二京都_一而歌之曰、波辭枳豫辭、和藝幣能伽多由、區毛位多知區暮。夜摩苔波、區珥能摩倍邏摩、多々儺豆久、阿烏伽枳、夜摩許莽例屢、夜摩苔之于屢破試。異能知能、摩會祊務比苔破、多々瀨許莽、弊愚利能夜摩能、志邏伽之餓延塢、于受珥左勢、許能固。是謂_二思邦歌_一也。

十八年春二月、天皇將_レ向_レ京、以巡_二狩筑紫國_一。始到_二夷守_一。是時、於_二石瀨河邊_一、人衆聚集。於是、天皇遙望之、詔_二左右_一曰、其集者何人也。若賊乎。乃遣_二兄夷守・弟夷守二人_一令_レ觀。乃弟夷守、還來而諮之曰、諸縣君泉媛、依_レ獻_二大御食_一、而其族會之。

○夏四月壬戌朔甲子、到_二熊縣_一。其處有_二熊津彥者_一、兄弟二人_一。天皇先使_レ徵_二

兄熊_一。則從_レ使詣之。因徵_レ弟熊_一。而不_レ來。故遣_レ兵誅之。

○壬申、自_二海路_一泊_二於葦北小嶋_一而進食。時召_二山部阿弭古之祖小左_一、令_レ進_二冷水_一。適_二是時_一、嶋中無_レ水。不_レ知_二所爲_一。則仰之祈_二于天神地祇_一。忽寒泉從_二崖傍_一涌出。乃酌以獻焉。故號_二其嶋曰水嶋_一也。其泉猶今在_二水嶋崖_一也。

○五月壬辰朔、從_二葦北發船到火國_一。於是、日沒也。夜冥不_レ知_レ著_レ岸。遙視_二大光_一。天皇詔_二挾抄者_一曰、直指_二火處_一。因指_レ火往之。卽得_レ著_レ岸。天皇問_二其火光之處_一曰、何謂邑也。國人對曰、是八代縣豐村。亦尋_二其火_一、是誰人之火也。然不_レ得_レ主。茲知、非_二入火_一。改名_二其國曰火國_一也。

○六月辛酉朔癸亥、自_二高來縣_一、度_二玉杵名邑_一。時殺_二其處之土蜘蛛津頰_一焉。

○丙子、到_二阿蘇國_一。其國也郊原曠遠、不_レ見_二人居_一。天皇曰、是國有_レ人乎。時有_二一神_一。曰_二阿蘇都彥·阿蘇都媛_一。忽化_レ人以遊詣之曰、吾_二一人在。何無_レ人耶。故號_二其國曰阿蘇_一。

○秋七月辛卯朔甲午、到_二筑紫後國御木_一、居_二於高田行宮_一。時有_二檀樹_一。長九百七十丈焉。百寮踏_二其樹_一而往來。時人歌曰、阿佐志毛能、瀾概能佐烏麼志、魔弊菟耆瀾、伊和哆羅秀暮、瀾開能佐烏麼志。爰天皇問之曰、是何樹也。有_二一老夫_一曰、是樹者歷木也。嘗未_レ檀之先、當_二朝日暉_一、則隱_二杵嶋山_一。當_二夕日暉_一、亦覆_二阿蘇山_一也。天皇曰、是樹者神木。故是國宜號_二御木國_一。

○丁酉、到_二八女縣_一。則越_二藤山_一、以南望粟岬。詔之曰、其山峯岫重疊、且美麗之甚。若神有_二其山_一乎。時水沼縣主猿大海奏言、有_二女神_一。名曰_二八女津媛_一。常居_二山中_一。故八女國之名、由_レ此而起也。

○八月、到_二的邑_一而進食。是日、膳夫等遺_二盞_一。故時人號_二其忘_レ盞處_一曰_二浮羽_一。今謂_レ的者訛也。昔筑紫俗號_レ盞曰_二浮羽_一。

十九年秋九月甲申朔癸卯、天皇至_レ自_二日向_一。

廿年春二月辛巳朔甲申、遣_二五百野皇女_一、令_レ祭_二天照大神_一。

廿五年秋七月庚辰朔壬午、遣_二武内宿禰_一、令_レ察_二北陸及東方諸國之地形、且百姓之消息_一也。

廿七年春二月辛丑朔壬子、武内宿禰自東國還之奏言、東夷之中、有日高見國。其國人、男女並椎結文身、爲人勇悍。是總曰蝦夷。亦土地沃壤而曠之。擊可取也。

○秋八月、熊襲亦反之、侵邊境不止。

○冬十月丁酉朔己酉、遣日本武尊、令擊熊襲。時年十六。於是、日本武尊曰、吾得善射者欲與行。其何處有善射者焉。成者啓之曰、美濃國有善射者。曰弟彥公。於是、日本武尊、遣葛城人宮戶彥、喚弟彥公。故弟彥公、便率石占橫立及尾張田子之稻置・乳近之稻置而來。則從日本武尊而行之。

○十二月、到於熊襲國。因以、伺其消息及地形之險易。時熊襲有魁帥者。名取石鹿文。亦曰川上梟帥。悉集親族而欲宴。於是、日本武尊、解髮作童女姿、以密伺川上梟帥之宴時。仍佩劍袈裏、入於川上梟帥之宴室、居女人之中。川上梟帥、感其童女之容姿、則携手同席、舉坏令飲而戲弄。于時也更深入闌。川上梟帥且被酒。於是、日本武尊抽袈中之劍、刺川上梟帥之胸。未及之死、川上梟帥叩頭曰、且待之。吾有所言。時日本武尊、留劍待之。川上梟帥啓之曰、汝尊誰人也。對曰、吾是大足彥天皇之子也。名曰日本童男也。川上梟帥、亦啓之曰、吾是國中之強力者也。是以、當時諸人、不勝我之威力、而無不從者。吾多遇武力矣、未有若皇子者。是以、賤賤陋口以奉尊號。若聽乎。曰、聽之。卽啓曰、自今以後、號皇子應稱日本武皇子。言訖乃通胸而殺之。故至于今、稱曰日本武尊。是其緣也。然後、遣弟彥等、悉斬其黨類。無餘噍。既而從海路還倭、到吉備以渡穴海。其處有惡神。則殺之。亦比至難波、殺柏濟之惡神。【濟、此云和多利】

廿八年春二月乙丑朔、日本武尊、奏下平熊襲之狀曰、臣賴天皇之神靈、以兵舉、頓誅熊襲之魁帥者、悉平其國。是以、西洲既謐。百姓無事。唯吉備穴濟神、及難波柏濟神、皆有二害心、以放二毒氣、令二苦二路人。並爲二禍害之藪。故悉殺其惡神、並開水陸之徑。天皇、於是、美日本武之功而異愛。

冊年夏六月、東夷多叛、邊境騷動。

○秋七月癸未朔戊戌、天皇詔群卿曰、今東國不安、暴神多起。亦蝦夷悉叛、屢略人民。遣誰人以平其亂。群臣皆不知誰遣也。日本武尊奏言、臣則先勞西征。是役必大確皇子之事矣。時大確皇子愕然之、逃隱草中。則遣使者召來。爰天皇責曰、汝不欲矣、豈強遣耶。何未對賊、以豫懼甚焉。因比、遂封美濃。仍如封地。是身毛津君·守君、凡族之始祖也。於是、日本武尊、雄誥之曰、熊襲既平、未經幾年、今更東夷叛之。何日逮于大平矣。臣雖勞之、頓平其亂。則天皇持斧鉞、以授日本武尊曰、朕聞、其東夷也、識性暴強。凌犯爲宗。村之無長、邑之勿首。各貪封堺、並相盜略。亦山有邪神。郊有姦鬼。遮衢塞徑。多令苦人。其東夷之中、蝦夷是尤強焉。男女同居、父子無別。冬則宿穴、夏則住櫟。衣毛飲血、昆弟相疑。登山如飛禽、行草如走獸。承恩則忘。見怨必報。是以、箭藏頭髻、刀佩衣中。或聚黨類、而犯邊堺。或伺農桑、以略人民。擊則隱草。追則入山。故往古以來、未染王化。今朕祭汝爲人也、身體長大、容姿端正。力能扛鼎。猛如雷電。所向無前、所攻必勝。卽知之、形則我子、實則神人。寔是天愍。朕不歡、且國不平、令經綸天業、不絕宗廟乎。亦是天下則汝天下也。是位則汝位也。願深謀遠慮、探姦伺變、示之以威、懷之以德、不煩兵甲、自令臣隸。卽巧言而調暴神、振武以壞姦鬼。於是、日本武尊、乃受斧鉞、以再拜奏之曰、嘗西征之年、賴皇靈之威、提三尺劍、擊熊襲國。未經浹辰、賊首伏罪。今亦賴神祇之靈、借天皇之威、往臨其境、示以德教、猶有不佩服、卽舉兵擊。仍重再拜之。天皇則命吉備武彥與大伴武日連、令從日本武尊。亦以七掬脛爲膳夫。

○冬十月壬子朔癸丑、日本武尊發路之。

○戊午、枉道拜伊勢神宮。仍辭于倭姬命曰、今被天皇之命、而東征將誅諸叛者。故辭之。於是、倭姬命取草薙劍、授日本武尊曰、慎之。莫怠也。

◎是歲、日本武尊、初至駿河。其處賊陽從之欺曰、是野也、麋鹿甚多。氣如朝霧、足如茂林。臨而應狩。日本武尊信其言、入野中而覓獸。賊有殺王之情【王謂日本武尊也】。放火燒其野。王知被欺、則以燧出火之、向燒而得免。【一云、王所佩劍藜雲自抽之、薙攘王之傍草。因是、得免。故號其劍曰章薙也。藜雲、此云茂羅玖毛。】王曰、殆被欺。則悉焚其賊衆而滅之。故號其處曰燒津。亦進相模、欲往上總。望海高言曰、是小海耳。可立跳渡。乃至于海中、暴風忽起、王船漂蕩、而不可渡。時有從王之妾。曰弟橘媛。穗積氏忍山宿禰之女也。啓王曰、今風起浪泌、王船欲沒。是必海神心也。願賤妾之身、贖王之命而入海。言訖乃披瀾入之。暴風即止。船得著岸。故時人號其海、曰馳水也。爰日本武尊、則從上總轉、入陸奧國。時大鏡懸於王船、從海路迴於葦浦。橫渡玉浦、至蝦夷境。蝦夷賊首嶋津神·國津神等、屯於竹水門而欲距。然遙視王船、恐怖其威勢、而心裏知之不可勝、悉捨弓矢、望拜之曰、仰視君容、秀於人倫。若神之乎。欲知姓名。王對之曰、吾是現人神之子也。於是、蝦夷等悉慄、則褰裳披浪、自扶王船而著岸。仍面縛服罪。故免其罪。因以、俘其首帥、而令從身也。蝦夷既平、自日高見國還之、西南歷常陸、至甲斐國、居于酒折宮。時舉燭而進食。是夜、以歌之問侍者曰、珥比麼利、菟波塢須擬氏、異玖用伽禰菟流。諸侍者不能答言。時有秉燭者。續王歌之末、而歌曰、伽餓奈倍氏、用珥波虛々能用、比珥波苔塢伽塢。即美秉燭人之聰而敦賞。則居是宮、以鞞部賜大洋連之遠祖武日也。於是、日本武尊曰、蝦夷凶首、咸伏其辜。唯信濃國·越國、頗未從化。則自甲斐北、轉歷武藏·上野、西逮于碓日坂。時日本武尊、每有顧弟橘媛之情。故登碓日嶺、而東南望之歎曰、吾孀者耶。【孀、此云菟摩。】故因號山東諸國、曰吾孀國也。於是、分道、遣吉備武彥於越國、令監察其地形嶮易及人民順不。則日本武尊、進入信濃。是國也、山高谷幽、翠嶺萬重。人倚杖而難升。巖嶮磴紆、長峯數千、馬頓轡而不進。然日本武尊、披烟凌霧、遙徑大山。

既逮于峯、而飢之。食於山中。山神令苦王、以化日鹿立於王前。王異之、以一箇蒜彈白鹿。則中眼而殺之。爰王忽失道、不知所出。時白狗自來、有王道王之狀。隨狗而行之、得出美濃。吉備武彥、自越出而遇之。先是、度信濃坂者、多得神氣以瘳臥。但從殺白鹿之後、踰是山者、嚼蒜而塗人及牛馬。自不中神氣也。日本武尊、更還於尾張、卽娶尾張氏之女宮簀媛、而淹留踰月。於是、聞近江五十葺山有荒神、卽解劍置於宮簀媛家、而徒行之。至膽吹山、々神化大蛇當道。爰日本武尊、不知主神化蛇之謂、是大蛇必荒神之使也。既得殺主神、其使者豈足求乎。因跨蛇猶行。時山神之興、雲零冰。峯霧谷噎、無復可行之路。乃棲邊不知其所跋涉。然凌霧強行。方僅得出。猶失意如醉。因居山下之泉側、乃飲其水而醒之。故號其泉、曰居醒泉也。日本武尊、於是、始有痛身。然稍起之、還於尾張。爰不入宮簀媛之家、便移伊勢、而到尾津。昔日本武尊、向東之歲、停尾津濱而進食。是時、解劍置於松下。遂忘而去。今至於此、是劍猶存。故歌曰、烏波利珥、多陀珥霧伽弊流、比苔菟麻菟阿波例、比等菟麻菟、比苔珥阿利勢麼、岐農岐勢摩之塢、多知波開摩之塢。

逮于能褒野、而痛甚之。則以所俘蝦夷等、獻於神宮。因遣吉備武彥、奏之於天皇曰、臣受命天朝、遠征東夷。則被神恩、賴皇威、而叛者伏罪、荒神自調。是以、卷甲戢戈、愷悌還之。冀曷日曷時、復命天朝。然天命忽至、隙駟難停。是以、獨臥曠野。無誰語之。豈惜身亡。唯愁不面。既而崩于能褒野。時年卅。天皇聞之、寢不安席。食不甘味。晝夜喉咽、泣悲標擗。因以、大歎之曰、我子小碓王、昔熊襲叛之日、未及總角、久煩征伐、既而恆在左右、補朕不及。然東夷騷動、勿使討者。忍愛以入賊境。一日之無不顧。是以、朝夕進退、佇待還日。何禍兮、同罪兮、不意之間、倏亡我子。自今以後、與誰人之、經綸鴻業耶。卽詔群卿命二百寮、仍葬於伊勢國能褒野陵。時日本武尊化白鳥、從陵出之、指倭國而飛之。群臣等、因以、開其棺磨櫬而視之、明衣空留而、屍骨無之。於是、遣

使者追尋白鳥。則停於倭琴彈原。仍於其處造陵焉。白鳥更飛至河內、留舊市邑。亦其處作陵。故時人號是三陵、曰白鳥陵。然遂高翔上天。徒葬衣冠。因欲錄功名、即定武部也。

◎是歲也、天皇踐祚卅二年焉。

五十一年春正月壬午朔戊子、招群卿而宴數日矣。時皇子稚足彥尊·武內宿禰、不參赴于宴庭。天皇召之問其故。因以、奏之曰、其宴樂之日、群卿百寮、心情在戲遊、不存國家。若有狂生、而伺墻閣之隙乎。故侍門下備非常。時天皇謂之曰、灼然。【灼然、此云以椰知舉。】則異寵焉。

○秋八月己酉朔壬子、立稚足彥尊、爲皇太子。是日、命武內宿禰、爲棟梁之臣。初日本武尊所佩草薙橫刀、是今在尾張國年魚市郡熱田社也。於是、所獻神宮蝦夷等、晝夜喧譁、出入無禮。時倭姬命曰、是蝦夷等、不可近於神宮。則進上於朝廷。仍令安置御諸山傍。未經幾時、悉伐神山樹、叫呼隣里、而脅人民。天皇聞之、詔群卿曰、其置神山傍之蝦夷、是本有獸心、難住中國。故隨其情願、令班邦畿之外。是今播磨·讚岐·伊豫·安藝·阿波、凡五國佐伯部之祖也。初日本武尊、娶兩道人姬皇女爲妃、生稻依別王。次兄仲彥天皇。次布忍入姬命。次稚武王。其兄稻依別王、是犬上君·武部君、凡二族之始祖也。又妃吉備武彥之女吉備穴戶武媛、生武卯王與十域別王。其兄武卯王、是讚岐綾君之始祖也。弟十域別王、是伊豫別君之始祖也。次妃穗積氏忍山宿禰之女弟橘媛、生稚武彥王。五十二年夏五月甲辰朔丁未、皇后播磨太郎姬薨。

○秋七月癸卯朔己酉、立八坂入媛命爲皇后。

五十三年秋八月下卯朔、天皇詔群卿曰、朕顧愛子、何日止乎。冀欲巡狩小碓王所平之國。

◎是月、乘輿幸伊勢、轉入東海。

○冬十月、至上總國、從海路渡淡水門。是時、聞覺賀鳥之聲。欲見其鳥形、尋而出海中。仍得白蛤。於是、膳臣遠祖名盤鹿六鴈、以蒲爲手

繩、白蛤爲膾而進之。故美六鴈臣之功、而賜膳大伴部。

○十二月、從東國還之、居伊勢也。是謂綺宮。

五十四年秋九月辛卯朔己酉、自伊勢還於倭居纏向宮。

五十五年春二月戊子朔壬辰、以彥狹嶋王、拜東山道十五國都督。是豐城命之孫也。然到春日穴咋邑、臥病而薨之。是時、東國百姓、悲其王不至、竊盜

王戶、葬於上野國。

五十六年秋八月、詔御諸別王曰、汝父彥狹嶋王、不待向任所而早薨。故汝專領東國。是以、御諸別王、承天皇命、且欲成父業。則行治之、早得善政。時蝦夷騷動。卽舉兵而擊焉。時蝦夷首帥足振邊・大羽振邊・遠津闇男邊等、叩頭而來之。頓首受罪、盡獻其地。因以、免降者、而誅不服。是以東久之無事焉。由是、其子孫、於今有東國。

五十七年秋九月、造坂手池。卽竹蒔其堤上。

○冬十月、令諸國興田部屯倉。

五十八年春二月辛丑朔辛亥、幸近江國、居志賀三歲。是謂高穴穗宮。

六十年冬十一月乙酉朔辛卯、天皇崩於高穴穗宮。時年一百六歲。

稚足彥天皇 成務天皇

稚足彥天皇、大足彥忍代別天皇第四子也。母皇后曰八坂入姬命。八坂入彥皇子之女也。大足彥天皇卅六年、立爲太子。年廿四。

○六十年冬十一月、大足彥天皇崩。

元年春正月甲申朔戊子、皇太子卽位。

◎是年也、太歲辛未。

二年冬十一月癸酉朔壬午、葬大足彥天皇於倭國之山邊道上陸。尊皇后曰皇太后。

三年春正月癸酉朔己卯、以武內宿禰、爲大臣也。初天皇與武內宿禰同日

生之。故有異寵焉。

四年春二月丙寅朔、詔之曰、我先皇大足彥天皇、聰明神武、膺籙受圖。洽天順人、撥賊反正。德侔覆燾。道協造化。是以、普天率土、莫不主臣。稟氣懷靈、何非得處。今朕嗣踐寶祚。夙夜兢惕。然黎元蠢爾、不悛野心。是國郡無君長、縣邑無首渠者焉。自今以後、國郡立長、縣邑置首。卽取

當國之幹了者、任其國郡之首長。是爲中區之蕃屏也。

五年秋九月、令諸國、以國郡立造長、縣邑置稻置。並賜盾矛以爲表。則隔山河而分國縣、隨阡陌以定邑里。因以東西爲日縱、南北爲日橫。一。山陽曰影面。山陰曰背面。是以、百姓安居。天下無事焉。

卅八年春三月庚辰朔、立甥足仲彥尊、爲皇太子。

六十年夏六月己巳朔己卯、天皇崩。時年一百七歲。

日本書紀卷第七